

COMUN: Avis important: Chi che á la **cherta da lité timbrada 18 iadi** (ciaré ia dedò tla lersch por zertifiché la litaziun) dess se se presentè te comun (ofize anagrafich) a s'un lascé fá na nòia y dé jö la cherta vedla. Ai 17 de auri 2016 é preodü n Referendum. Ince **chi che s'l'à pordüda** dess passé te comun a s'un lascé fá na nòia. Les chertes suradites vëgn fates tl'edema dan la lita o le referendum.

PLOANIES SAN MARTIN Y LUNGIARÜ

En dedemesaledema, ai 6 d'auri vëgnel tigní dales 20.00 tl salf di stödaftuch a San Martin na **sëra d'informaziun por i aministradus dles ploanies**. Inviá é i proi, i presidënc dles ploanies, y düc chi che á surantut laurs de aministraziun tla ploania. Siur Michael Mitterhofer, direttur dl ofize de aministraziun dla Diozeja, dará informaziuns che reverda l'aministraziun dles ploanies.

Cun osta sotescriziun sön la detlaraziun dl davagn o söl mod. CU podëise destine le **8 por mile dla cuta ala Dlijia Catolica**. Cun chisc scioldi pó la Dlijia finazié le mantignimënt di proi, ativités pastorales, contribuc por le restaur y la costruziun de dljies, por la Caritas, por les Misciuns y i.i. Implü pól gni destiné cun osta sotescriziun le **5 por mile dla cuta a organisaziuns catoliches soziales de nosta diozeja**. Chi che n'á nia bria da presenté la detlaraziun dl davagn (pensioná) pó le fá implin fora le formular prestampé che é da ciafé apé de dljia y le dé sò tla Posta.

Le Sorvisc ai Jogn, en colaur. cun le cunsëi de formaziun da Badia y le Raiun Sozial, inviä a n **referat sön sostanzes psicoatives (droghes)** en jöbia ai 7 d'auri dales 19.30 tl zënter dla jonëza y dla cultura SAJ.UN (tla ciasa dla cultura) a La Ila. Tres i referënc de "La Strada" ciafa i partezipanc informaziuns importantes te chësc ciamp.

En sabeda y en domënia, ai 9 y 10 d'auri sarál a San Martin y a Lungiarü siur Gustl Feinademetz, dla congregaziun de Sant Ujöp, cher pordicará y periará do osta **oferta por les Misciuns**. I orun ester generusc, präibel!

Curs de formaziun sura la fede sciöche löm dla vita cun Padre Giuseppe. Les incun-tades é le vëndres ai 29 d'auri 2016 dales 9.00 - 12.00 y dales 14.00 - 18.00 cun Mëssa y vâ inant la sabeda dales 9.00 - 12.00. Info y iscriziuns pro Ingrid 331 85 65 697.

LUNGIARÜ

La Uniun di Omi á invié l'ortolan **Obojes da Valdaora** che vëgn en jöbia ai 7 d'auri dales 19.30 a Lungiarü tl salf dl paisc a nes mostré da taié röses, brüscas y lëgns da ordöra.

Geniturs afidatars i ves chiriun por ti dé a mituns n secundo daciassa. Sëra de informaziun organisada dala Comunité Comprensoriala Val de Puster/Raiun Sozial Val Badia adöm cun la Biblioteca dl Istitut Ladin sura l'afidamënt familiar. Al vëgn chirí pers maridá o che vir adöm o ince porsones singoles, cun o zënza mituns, che töl sò mituns y i accompagnëia por n toch de so tru. Co podess pa ciaré fora la situaziun de n afidamënt familiar? Ci vëgnel pa ghiré da geniturs afidatars y ci compic ái pa? Domandes a chëres che al ti vëgn dé resposta en dedolönesc ai 5 d'auri dales 20.00 tla biblioteca dl Istitut Ladin a San Martin. Düc é dër bel inviá.

La Jonëza da Paur da San Martin de Tor ves **inviä al al Bal dla Jonëza da Paur** che vëgn tigní ai 9 d'auri tl tl gran salf da San Martin. Al mët man dales 20.30. Por divertimënt y aurela cörta fistidiëia dal vi le grup "die jungen Pseirer" dales 21.00 inant. Tolësse cun os om/fomna, compagn/a, cherstian/a y gnide a balé dal Bal dla Jonëza da Paur da San Martin.

Le Comun da Corvara: chir por döes edemes dai 18 ai 29 de messé dal lünesc al vëndres, na porsona a cujiné por la scolina da Corvara. Info 0471 836 480.



www.unitepastorala.org

Plata dles Ploanies San Martin y Lungiarü



siur Iaco Ploner 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

03.04. - 10.04.16 nr. 19

termo da publiché: jöbia 20.00
radio: 90,40 / 93,70

2^a DOMËNIA DE PASCA C

Vangele do San Jan 20,1-18

Tomesc ti á respognü ai apostui che â odü Gejú ressorí:

Sc'i ne vëighi nia les ferides di agüs te sües mans

y sc'i ne pò nia mëte mi dëit tl büsc di agüs

y mia man te so costà, ne crëii nia.

Otedé do ê sü discepui indô abinà adöm,

y Tomesc ê laprò.

Dailò é gnü Gejú - les portes ê stlütës pro -

é jü amesa ëi ite y à dit: Pësc a os!

Spo àl dit a Tomesc:

Tëgn ca to dëit, chilò é mies mans!

Tëgn ca tûa man y mëtela te mi costà,

y ne stè a ester descredënt, mo credënt!

Tomesc ti à respognü: Mi Signur y mi Dî!

Gejú ti à dit: Deache te m'as odü, crëieste.

Beâc é chi che ne vëiga nia y crëi impò.



Mi Signur y mi Dî! é la resposta de Tomesc.

Tomesc me sá da orëi bun, al é por me feter sciöche n compagn.

Sciöche ël oressi ince iö le savëi plü avisa

y nia ma m'acontenté cun zelebrazziuns de dljia y cun oraziuns ch'i dijun sò.

Te chësc tëmp de Pasca oressi tres indô danü

rové ite tla vijinanza y tl'amiraziun de Gejú, le pié ite y gni pié ite da d'ël.

Tla vijinanza de Gejú pol sozede val' ch'i ne mëssi nia capí, mo ch'i pó sintí.

Ël vir, y iö viri sciöche ël viess.

Sc'i viri cun dōta la forza de mi amur, m'intëni defata tan vëi ch'al vir.

Olach'al é amur, é la vita. Y olach'al é vita, é ël amesa nos ite.

Spo sunse sciöche Tomesc, sciöche Tomesc che le pëia ite.

	SAN MARTIN		LUNGIARÜ
03.04.16 2ª DOMÈNIA DE PASCA Domènia dla Misericordia	9.00 Corona 9.30 Gran Mëssa dla comunité	03.04.16 Domènia	7.55 Corona 8.15 Gran Mëssa dla comunité
04.04.16 Lönesc Anunziaziun dl Signur <i>Isidor, Conrad</i>		04.04.16 Lönesc	
05.04.16 Dedolönesc <i>Vinzenz Ferrer, Crescenzia</i>	19.30 Mëssa + Doro Verginer + Linda Mühlmann + Mariangel Tavella	05.04.16 Mertesc	
06.04.16 Dedemesaledema <i>Zeletin, Sisto</i>		06.04.16 Mercui	7.30 Mëssa ++ de Angel Sorà ++ Vito y Vitoria Clara ++ Fredesc de Somví
07.04.16 Jöbia <i>Jan Batista de la Salle, Albert</i>	7.30 Mëssa di scholars en onur dl Spirit Sant + Giovanni Vanzi fam. Landthaler, Porsenú Corona por vocaziuns	07.04.16 Jöbia	
08.04.16 Vëndres <i>Walter, Beata</i>	18.30 Adoraziun chîta 19.00 Devoziun eucaristica	08.04.16 Vëndres	7.30 Mëssa ++ Matí y Sisto Clara + Carlo Planatscher en onur de San Cristofer
09.04.16 Sabeda <i>Ciascian y Vigile, patrons diozejans</i>	15.30 Mëssa tla Ciasa de Palsa 18.30 Mëssa prefestia <i>(cun le quartet Göma)</i> + suor Alexia Erlacher + Maria Graffonara (dl ann) ++ Pescosta, da Verda	09.04.16 Sabeda	20.00 Mëssa prefestia dl ann + Sabina Daporta, Mazchel + Scimun Mischi en onur de Sant Ujöp da Oies
10.04.16 3ª DOMÈNIA DE PASCA Festa di Patrons diozejans	9.00 Prozesciun de San Germano 9.30 Gran Mëssa dla comunité	10.04.16 Domènia	7.55 Corona 8.15 Gran Mëssa dla comunité